

عفا الوليان وبغلي الصادي للطف تنظر عيني
وظلي العطشان اسمع بالوادي صوته وينادييني

صدي عبدالله يبجي ومدري طفلي وين
يحاوي هالضعن ردي لجسد الحسين
اسمع بالوادي صوته وينادييني

ردي للجسد مشهد الفجيعة
على صدر الابو منذبح رضيعه
اسمع صرخته زاهلة ومروعه
چنها تكلمت جنته الصريعة

يهمس لي بصوت يا مالوينه رحتي و اتركتيني

من النوم انتفض حاير وبچاني
طفلي من كعد ينتظر حناني
وبنار العطش والألم يعاني
وشلون ابتعد واهجره لزمانني

لا وين أروح و طفلي ال يتالم يبجي ويبچيني

چنت أنا الرباب بخدر دلالي
و بذل السبا حسره و شبكي لي
احلم بالولد سلوة بالليالي
وهزيت المهدي بس لكيتيه خالي

بكل خطوة نسير وعبدالله الغالي كالي وعالي ونيني

ورحمت مكيّدة وناحلة وعليله
من نوحى اشكّر حنّت الهزيله
ومن سهم الظما الفاجعة الجليله
بدمه مخضب وما برد غليله

لو طفلي اوياي يمسخ دمعاتي بعينه ويسـليني

وحگ نحر الطفل والظما وعذابه
ودمه المرتفع للسمما وخضابه
الباكي من العمر انذره لمصابه
ايموت اعلى الحزن كابي باغترابه

ما اريد اظلال وروحي لو عاشت تبكى بنار سنيني